



**ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ
ԳԵՂԱՐՔՈՒՆԻՔԻ ՄԱՐԶՊԵՏ
ՈՐՈՇՈՒՄ**

N 187-Ա

18 մարտի 2022 թ.

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳԵՂԱՐՔՈՒՆԻՔԻ ՄԱՐԶԻ «ՎԱՐԴԵՆԻՍԻ ՀԻՎԱՆԴԱՆՈՑ» ՊԵՏԱԿԱՆ ՓԱԿ ԲԱԺՆԵՏԻՐԱԿԱՆ ԸՆԿԵՐՈՒԹՅԱՆ ԿԱՆՈՆԱԴՐՈՒԹՅԱՆ ՄԵԶ ՓՈՓՈԽՈՒԹՅՈՒՆ ԿԱՏԱՐԵԼՈՒ, ԿԱՆՈՆԱԴՐՈՒԹՅԱՆ ՓՈՓՈԽՈՒԹՅՈՒՆԸ ՀԱՍՏԱՏԵԼՈՒ ԵՎ ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳԵՂԱՐՔՈՒՆԻՔԻ ՄԱՐԶԻ «ՎԱՐԴԵՆԻՍԻ ՊՈԼԻԿԼԻՆԻԿԱ» ՊԵՏԱԿԱՆ ՓԱԿ ԲԱԺՆԵՏԻՐԱԿԱՆ ԸՆԿԵՐՈՒԹՅԱՆ ԲԱԺՆԵՏՈՄՍԵՐԸ ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳԵՂԱՐՔՈՒՆԻՔԻ ՄԱՐԶԻ «ՎԱՐԴԵՆԻՍԻ ՀԻՎԱՆԴԱՆՈՑ» ՊԵՏԱԿԱՆ ՓԱԿ ԲԱԺՆԵՏԻՐԱԿԱՆ ԸՆԿԵՐՈՒԹՅԱՆ ԲԱԺՆԵՏՈՄՍԵՐԻ ՓՈԽԱՐԿՄԱՆ ԱՐԴՅՈՒՆՔՆԵՐԸ ՀԱՍՏԱՏԵԼՈՒ ԵՎ ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳԵՂԱՐՔՈՒՆԻՔԻ ՄԱՐԶՊԵՏԻ 2021 ԹՎԱԿԱՆԻ ԴԵԿՏԵՄԲԵՐԻ 16-Ի N 702-Ա ՈՐՈՇՈՒՄՆ ՈՒԺԸ ԿՈՐՑՐԱԾ ՃԱՆԱԶԵԼՈՒ ՄԱՍԻՆ

Ղեկավարվելով «Նորմատիվ իրավական ակտերի մասին» Հայաստանի Հանրապետության օրենքի 1-ին հոդվածի 2-րդ մասի, 33-րդ հոդվածի 1-ին մասի 3-րդ կետի, 34-րդ հոդվածի, 37-րդ հոդվածի, «Բաժնետիրական ընկերությունների մասին» Հայաստանի Հանրապետության օրենքի 15-րդ և 20-րդ հոդվածների, «Տարածքային կառավարման մասին» Հայաստանի Հանրապետության օրենքի 14-րդ հոդվածի, 5-րդ հոդվածի 3-րդ մասի դրույթներով և հիմք ընդունելով Հայաստանի Հանրապետության կառավարության 2021 թվականի հունիսի 17-ի N 991-Ն և Հայաստանի Հանրապետության Գեղարքունիքի մարզպետի 2022 մարտի 18 -ի N 184-Ա որոշումները

որոշում եմ՝

1. Հաստատել՝
 - 1) Հայաստանի Հանրապետության Գեղարքունիքի մարզի «Վարդենիսի պոլիկլինիկա» պետական փակ բաժնետիրական ընկերության կողմից տեղաբաշխված հասարակ /սովորական/ անվանական բաժնետոմսերի փոխարկման արդյունքները Հայաստանի Հանրապետության Գեղարքունիքի մարզի «Վարդենիսի հիվանդանոց» պետական փակ բաժնետիրական ընկերության բաժնետոմսերի, այն է ընկերության կողմից տեղաբաշխված թվով 2539 /երկու հազար հինգ հարյուր երեսունինը/ հատ 8860 /ութ հազար ութ հարյուր վաթսուն/ ՀՀ դրամ անվանական արժեքով հասարակ /սովորական/

անվանական բաժնետոմսերը փոխարկվում են Հայաստանի Հանրապետության Գեղարքունիքի մարզի «Վարդենիսի հիվանդանոց» պետական փակ բաժնետիրական ընկերության կողմից թողարկված թվով 1382 /մեկ հազար երեք հարյուր ութսուներկու/ հատ 10.000 /տասը հազար/ ՀՀ դրամ անվանական արժեքով հասարակ /սովորական/ անվանական բաժնետոմսերի.

2) Հայաստանի Հանրապետության Գեղարքունիքի մարզի «Վարդենիսի հիվանդանոց» պետական փակ բաժնետիրական ընկերության կողմից թողարկված հասարակ /սովորական/ անվանական բաժնետոմսերի տեղաբաշխման արդյունքները և տեղաբաշխման արդյունքում ձևավորված կանոնադրական կապիտալի մեծությունը կազմում է 94.990.000 /իննսուն չորս միլիոն ինը հարյուր իննսուն հազար/ ՀՀ դրամ, որը կազմում է 9499 /ինը հազար չորս հարյուր իննսունինը/ հատ 10.000 /տաս հազար/ ՀՀ դրամ անվանական արժեքով հասարակ /սովորական/ անվանական բաժնետոմսեր:

2. Սահմանել, որ Հայաստանի Հանրապետության Գեղարքունիքի մարզի «Վարդենիսի հիվանդանոց» պետական փակ բաժնետիրական ընկերության կողմից իրականացվող ձեռնարկատիրական գործունեության հիմնական տեսակն է բժշկական օգնության և սպասարկման /հիվանդանոցային, արտահիվանդանոցային, շտապ բուժօգնություն և այլն/ կազմակերպումը:

3. Հայաստանի Հանրապետության Գեղարքունիքի մարզի «Վարդենիսի հիվանդանոց» պետական փակ բաժնետիրական ընկերության կանոնադրության մեջ կատարել հետևյալ փոփոխությունները՝

1) Կանոնադրություն 1.1 կետը լրացնել նոր պարբերությամբ՝

«1.1 Հայաստանի Հանրապետության Գեղարքունիքի մարզի «Վարդենիսի պոլիկլինիկա» պետական փակ բաժնետիրական ընկերությունը /գրանցված է Հայաստանի Հանրապետության ձեռնարկությունների պետական ռեգիստրի կողմից 03.12.1996թ., վերակազմավորման գրանցման օրը 30.07.1998թ., գրանցման N 58.140.00142, ՀՎՀՀ՝ 08802975, վկայականը 01Ա 030047, ՀՀ Գեղարքունիքի մարզ, ք. Վարդենիս Լեռնագործների 6/ Հայաստանի Հանրապետության կառավարության 2021 թվականի հունիսի 17-ի N 991-Ն որոշման համաձայն՝ միացման ձևով վերակազմակերպվել է միանալով Հայաստանի Հանրապետության Գեղարքունիքի մարզի «Վարդենիսի հիվանդանոց» պետական փակ բաժնետիրական ընկերությանը /գրանցված է Հայաստանի Հանրապետության ձեռնարկությունների պետական ռեգիստրի կողմից 03.12.1996թ., վերակազմավորման գրանցման օրը 23.09.1998թ, գրանցման N 37228583, ՀՎՀՀ՝ 08803091, վկայական՝ 01Ա 030046, գտնվելու վայրը՝ ՀՀ Գեղարքունիքի մարզ, ք. Վարդենիս, Բարեկամության 23/ և միացման ձևով վերակազմակերպումից հետո Գեղարքունիքի մարզի «Վարդենիսի հիվանդանոց» պետական փակ բաժնետիրական ընկերությունը հանդիսանում է Գեղարքունիքի մարզի «Վարդենիսի պոլիկլինիկա» պետական փակ բաժնետիրական ընկերության իրավահաջորդը՝ փոխանցման ակտին համապատասխան»:

2) Կանոնադրության 2.2 կետը շարադրել հետևյալ խմբագրությամբ՝
«2.2.Ընկերության ձեռնարկատիրական գործունեության հիմնական տեսակն է բուժօգնությունը և սպասարկումը: Նշված գործունեությունը ներառում է՝ Հիվանդանոցային, արտահիվանդանոցային և շտապ բուժօգնության ծառայություն»:

3) Կանոնադրության 4.2 կետը շարադրել հետևյալ խմբագրությամբ՝
<<4.2. Ընկերության կանոնադրական կապիտալը կազմում է 94.990.000 /իննսուն չորս միլիոն ինը հարյուր իննսուն հազար/ դրամ, որը կազմում է 9499 / ինը հազար չորս հարյուր իննսունինը/ հատ 10.000 /տաս հազար/ դրամ անվանական արժեքով հասարակ /սովորական/ բաժնետոմսեր:

Ընկերության կողմից թողարկված բոլոր 9499 /ինը հազար չորս հարյուր իննսունինը/ բաժնետոմսերը տեղաբաշխված են, սեփականության իրավունքով պատկանում են Հայաստանի Հանրապետությանը և լրիվ վճարված են նրա կողմից:

Ընկերության բոլոր բաժնետոմսերը հասարակ /սովորական/ են>>:


4. Հաստատել Հայաստանի Հանրապետության Գեղարքունիքի մարզի <<Վարդենիսի հիվանդանոց>> պետական փակ բաժնետիրական ընկերության կանոնադրության փոփոխությունը՝ համաձայն հավելվածի:

5. Հայաստանի Հանրապետության Գեղարքունիքի մարզի <<Վարդենիսի հիվանդանոց>> պետական փակ բաժնետիրական ընկերության տնօրենի պաշտոնակատար Շահեն Շահինյանին՝ Հայաստանի Հանրապետության օրենսդրությամբ սահմանված կարգով ապահովել Հայաստանի Հանրապետության Գեղարքունիքի մարզի <<Վարդենիսի հիվանդանոց>> պետական փակ բաժնետիրական ընկերության կանոնադրության փոփոխության պետական գրանցումը՝ ընկերության միջոցների հաշվին և տեղեկատվություն ներկայացնել Հայաստանի Հանրապետության Գեղարքունիքի մարզպետարան:

6. Ուժը կորցրած ճանաչել Հայաստանի Հանրապետության Գեղարքունիքի մարզպետի 2021 թվականի դեկտեմբերի 16-ի «Հայաստանի Հանրապետության Գեղարքունիքի մարզպետի 1999 թվականի սեպտեմբերի 2-ի N 80 որոշման մեջ փոփոխություն կատարելու մասին» N 702- Ա որոշումը:

7. Սույն որոշման կատարման հսկողությունը վերապահել Գեղարքունիքի մարզպետարանի առողջապահության և սոցիալական ապահովության վարչության պետ Լուսինե Վարդանյանին:

18.03.2022

X 
ԿԱՐԵՆ ՍԱՐԳՍՅԱՆ



ՄԱՐԶՊԵՏ՝ Подписано: SARGSYAN KAREN 3710840503

Կ. ՍԱՐԳՍՅԱՆ

ք. Գավառ